

Abuso organisacional of institucional

Skirbi pa: drs. Melva Croes-Yáñez



Abuso organisacional of institucional ta e maltrato/ abuso di adulto mayor causa pa cuida of apoyo deficiente of inadecua, of practicanan sistematicamente deficiente cu ta afecta henter e ambiente di dicho cuida.

E ta tuma luga ora deseonan y necesidnan di hende ta wordo sacrifica den area di e funcionamiento corecto di e grupo cu ta duna servicio y e organisacion.

Pakico esaki ta sosode?

Den un ambiente formal, e abuso organisacional of institucional ta mas probabel ora e personal:

- no tin e capacitacion adecua
- ta mal supervisa
- no ta conta cu apoyo di gerencia
- tin habilidadnan di comunicacion deficiente
- ta forma parti di un cultura cera: por ehemplo, un centro di cuida, unda por ehempel ideanan nobo, bishita, maneho den cuida, of otro aspectonan ta hunga un rol.
- Unda participacion profesional ta wordo silenciosa.
- Abuso organisacional of institucional por consisti di mas cu un abusador, y tambe por consisti di varios hende cu ta experencia e mesun clase di abuso: por ehempel, delito di odio contra un grupo specifico of varios famia cu ta maltrata un persona dependiente di dje

pa, por ehempel, cuida, etc.

Ehempel di abuso organisacional of institucional. Esakinan por inclui:

- Falta di respet of apoyo na derecho di independencia, dignidad of eleccion di un persona of grupo.
- Falta di planificacion di atencion dirigi na e adulto mayor, of basa riba customber.
- Falta di flexibilidad den orarionan di drumi, lanta, of di lanta un hende deliberadamente di soño.
- Restriccion inapropia.
- Falta di paña pa bisti of pertenencianan personal.
- Cama, corchon y cusinchi den mal estado y no saludabel pa drumi ariba, tampoco manchabel pa e cuidador.
- Espacionan cu falta estimulo (falta di bentana pa por tin contacto cu e ambiente pafo) of scuridad, aircos demasiado friu, fan cu ta haci boroto.
- Decoracion No apropiada (demasiado estimulo, borota, etc.).
- Falta di variedad di escogencia di cuminda, menu of di planificacion di menu (Un cuminda pa tur, calidad di alimento no controla (cuminda di bleki venci, etc.).
- Intervencion innecesario di personal of gerencia den finanzas personal.

Uso inapropia di procede-

mentonan medico of di enfermeria, por ehemplo, uso di klysmas of catheterisacion cu medicamento NO receta.

Uso inapropia di poder of control.

INDICADORNAN

Esaki por inclui:

- Trata e grandi manera mucha (trato infantil)
- Tuma decisionnan arbitrario cerca e personal, servicio of organisacion.
- Rutina of orarionan stricto, reglamenta of no flexibel cerca actividadnan diario, manera orarionan di come, ora di drumi /lanta, baña, bay baño
- Falta di opcion en cuanto cuminda y bebida, bistimento, pertenencia, actividadnan diario y social.
- Falta di privacidad,

dignidad, respet pa adulto mayor como Hende.

- Ambiente protegi di solo of ambiente a-higienico
- Falta di provee paña pa bisti, dieta of dianan di fiesta religioso di acuerdo cu creencia of antedentenan cultural di cada individuo.

Kico por haci pa yuda?

Si abo ta kere/pensa cu un adulto mayor por ta un victima di abuso organisacional, bo por pensa di haci lo siguiente: Si ta un miembro di personal di e organisacion cu ta abusa di e adulto mayor e por papia cu su superior di inmediato of haci denuncia di irregularidad di su organizacion.

Lo bo bisa esaki ta mas facil pa bisa cu haci. Sigur ora tin

un cultura di no tuma e adulto mayor na serio pa motibo di su edad of dificultad di comunica e abuso.

Tambe ta posibel cu e victima tin miedo pa raporta esaki y ta prefera sigui sufri bou su abusador.

Pa sa mas di e topico aki di Abuso di Adulto Mayor y con anda pa preveni esaki, comunidad ta bon bini diasabra dia 14 di juni pa asisti na e simposio 'PROMOVE PROTECCION Y JUSTICIA PA E VICTIMA DI ABUSO DI ADULTO MAYOR.' Entrada ta gratis. Un donacion pa cubri gastonan di e simposio aki ta altamente aprecia. Lo tin un box disponibel pa e bunita gesto aki.

LUNA DI LOCURA

CUMpra 2 LOTTO 5 Y HAY 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO TE CU 30 DI JUNI

www.lottoaruba.com